

Viro,  
 Dum viveret  
 Magnifico, Nobilissimo Amplissimoque  
**DN. SIMONI**  
**SCHULTZIO,**  
 Inclytae Reipublicae Thorunensis  
 Proconsuli gravissimo,  
 Seniori


Seni venerando & de patria praeclarissime merito,  
*Cum*

d, xv. Jun. anno MDCCCVIII.

*Rebus mortalium placide esset exemptus,*  
 Solenni exquiarum die

qui erat XXI eiusd. mensis  
 iusta persolvere, lugentesque solatio erigere  
 voluerunt

Rektor & Professores Gymn. Thor.



T H O R U N I I,

*Impress. Johannes Conradus Rägerus.*

*CS 19*

Patriæ

rsk,

**D**Eleri non posse monumentum,  
Quod nec scriptum nec sculptum,  
Sed comparatum  
Consilio & virtute,  
hic discite Viator!  
Est illud in animis gratorum, indelebilibus ipsis.  
Vbi exsurgit, quicquid reconditur,  
obruitur nihil & multa,  
Sistitur & concrefcit corporis compages, etiam in pulverem dilapsa.  
Qui talem invenit tumulum,  
non obruitur mole,  
sed superstes est & latere non potest.  
Ejusmodi in patria invenit,  
quam sibi in vita devinxerat  
Consilio & virtute,  
Venerandus Senex,

Vir

Magnificus, Nobilissimus atque Amplissimus,  
Dominus,

SIMON SCHULZIUS,

Proconsul in Regia civitate Thorunensi  
longe gravissimus meritissimusque,  
virilem prudentiam in iuventute anticipavit,  
anticipatam in aetate virili auxit,  
in senectute retinuit constanter.  
Secretiora urbis negotia palam expedivit,  
Sive in curia sive in aula  
nunquam incuria.

In explicandis implicatis valuit eius consilium,  
in ambiguis nunquam ambiguum,  
virtutibus praeterea eminuit vere consularibus,  
Pietate, justitia & fide.

Primum parandi honoris augurium & linea erat  
Deo parere,

Sic e difficili fortuna ad summam in patria evehsus.  
Praeficitur ei, quae ipsum, & ipse se illi probaverat.

Minus facile est iudicare,  
an dignitati magis contulerit ipse dignitatem,  
an dignitas ipsi.

Cui Nihil vani affricuit negotiorum vanitas,  
nihil injusti iniuria,  
quam toties in aliis debellavit  
justitiae Vindex.

Suffragia ferebat nec perplexa nec flexa.  
plura facere, pauca dicere  
ingenium alioquin indicium & probi.

Hic cum tacebat, proderat,  
meditabatur oracula, cum tacebat,  
fundebat, cum loquebatur.

Esse sic magis ducebat utilis, quam videri.  
gravissimis comitorum negotiis,  
quoties intererat, versatus ita  
ut ex voto patribus satisfaceret.

Prospexit multis, cum prospiceret multa,  
& prudentiam ad praecavenda futura adhiberet.

Num seni gerenda Respublica sit?  
ambiguam Philosophi disceptationem  
sine ambagibus vivo exemplo composuit.

Magno

*Magno natu cum esset beatus Senex,  
non sibi soli sed patriae cum primis natum se esse declarabat.*

*Languebat corpore, iudicio acer & firmus,  
Acie oculorum ingenii acies compensabat.*

*Conflatus podagricis doloribus  
cum suo adesse non posset corpore, animo adfuit.*

*Pedes cum negarent officium, mente discurret,  
& se in publica dispensabat bona.*

*Alter ut Cato Romae, ut Aristides alter Athenis.*

*Vires ut frangeret corporis morbus,  
non voluntatem agendi,*

*Robur principi parti constans,  
qua constat consilium.*

*Velut Mercurii statuæ,*

*Senili habitu, pedibus manibusque truncatae efformatae  
ab antiquis,*

*inopes membrorum, non consilii.*

*Sic senibus valetudinis & corporis dispendia  
virtutum instrumenta.*

*Consensit fato Beatus*

*in cura sacrorum & pauperum.*

*In utraque nihil praemii lucratus,  
plus accepit, quam dari hic potest.*

*Coelum ipsum ei tanquam foenus cessit largissimum.*

*Quod ut sero peteret, serio petebant, quos adiuvabat.*

*Omnium animae, ut sero ageret animam, efflagitabant,*

*Omnium suspiria, ut expiraret sero, expetebant.*

*At non opportuna dissensio voti tui & tuorum*

*Horum, paullo Tibi acerbius,*

*Tuum ipsis,*

*Tui damnatus,*

*aeternitatem adis, Beate,*

*magno Tui omnibus Desiderio & dolore relicto.*

*At,*

*mitigat dolorem, auget tuum honorem,*

*Quod Tibi, tempori & gloriae superstes sis,*

*etiam ex oculis sublatus,*

*aeternumque habeas monumentum,*

*tum demum, cum animi, in quibus vivis,*

*transiturum.*

*Transi iam Viator!*

*Felicitatem Beato, si potes maiorem,*

*tibi simile monumentum,*

*precare.*

Honoris & observantiae c.

l. mque dabit,

M. P. JÆNICHIVS.

**E**st tristis Patriæ facies, & tristis in ago,  
Quæ perimunt nostrum non sine clade decus.  
Eheu quam dolui cum vidi climata nuda  
Gramine, frumento, multiplicique bono!  
Eheu quam dolui steriles campos & inanes,  
Combustos pagos, prataque vasta simul!  
Eheu quam dolui querulorum vota virorum,  
Queis Mars non parcit; mors quoque busta parat!  
Sunt hæc, sunt nostri præsentia fata doloris,

Illustres

Illustres clades, & mage mœsta quies.  
 Plura stylus calamusque miser non scribere svadet.  
 Mentibus ah nostris commemoranda vigent!  
 Ast Urbem nostram non infimus afficit ætus  
 Iræ divinæ, cum gemebunda gemit,  
 Et calidis lacrimis deplorat fata maligna,  
 Queis nunc succubuit gloria magna soli.  
 SCHULZIUS est nostræ dulcissima portio vitæ.  
 Proconsul Senior Magnificusque Pater.  
 Quem raptum jam Tempia doient, quem curia plorat,  
 Quem cives lugent, quem Schola nostra gemit.  
 Namque suo moriens pariter cum funere condit  
 Proh dolor, ingenii pignora rara sui.  
 Queis urbi nostræ multos feliciter annos  
 Profuit & pepulit noxia damna procul.  
 Sed quid opus luctu? Nunquam revocabitur inde,  
 Gaudia ubi semper mille beatus habet,  
 Inter ælicolas a Salvatore benigno  
 Nectare potatur, pascitur Ambrosiâ.  
 Sed Tu sancte DEUS durum cohibeto flagellum  
 Et Patriæ Patres sint in amore tuo,  
 In Nato virgeat virtus virtutis avitæ,  
 Claraque defuncti vivat inago Patris!

Paucis hisce  
 Ultimum Officii genus e Prissico  
 itinere redux exsolvit.  
 M. MARTINUS Böhmi

*Omne rarum charum.*

**C**harius haud aliquid mortalibus esse putatur,  
 Quam si quis felix vivat in orbe diu.  
 In promptu ratio est: quoniam rarissima vita  
 Humano generi longior esse solet.  
 Maxima pars hominum, vix dum florescere cœpit,  
 Immixti mortis falce perempta cadit:  
 Et juvenes passim rapit inclementia fati;  
 Seraque quos optant secula, prima necat.  
 Ast bene de Patria meritis Proconsul iniquo  
 In mundo vixit sat bene satque diu.  
 Vidit enim Proavus, quod rarum tempore nostro,  
 Neptis in amplexu pignora chara suæ.  
 Hinc veterum rerum promus condus, Patriæque  
 Annos per multos luxque decusque fuit.  
 Officiis dextre functus fuit omnibus Ille,  
 Virtutis causâ Curia quæ tribuit:  
 Quod prudens, comis, justus, sincerus, apertus,  
 Candidus in primis, atque suavis erat.  
 Hinc celebrer, doctus, consultus juris & æqui  
 Vir merito cunctis charus in urbe fuit:  
 Qui Magnum lugent funesta morte peremptum,  
 Et desilent tristes ore gemente Virum.  
 Charior at fuit ille Deo qui morte ministra  
 Confectum senio iussit adire polum,  
 Curarum postquam variarum, satque laborum,  
 Et cum privatis publica fata tulit.  
 Felix, qui Senium sic mutat morte beata:  
 Namque perit Senium, vitæque morte redit.

L. Scr.  
 M. MARTINUS BERTLEFFIUS P.P.